



COMUNU DE SIAMAJOIRE

(Provìntzia de Aristanis)

Bia de San Costantino, n. 2- 09070 SIAMAJOIRE (OR) - C.F./P.I.: 00070840954 Tel.
0783/3441201 - Fax 0783/3441220 - e-mail demografici@comune.siamaggiore.or.it

UFÌTZIU ELETORALI

REFERENDUM POPULARI CUNFIRMATIVU DE SU 20 E 21 DE CABUDANNI DE SU 2020

Votu domiciliari po is eletoris chi ant postu a tratamentu domiciliari e po cussus chi s'agatant in cunditionis de carantena o de isulamentu fiduciàriu po Covid 19

SA CUMMISSÀRIA STRAORDINÀRIA

BIU su Decretu de su Presidenti de sa Repùblica in data 17.07.2020 publicau in sa G.U. n. 180 de su 18.07.2020 cun chi procamàt domigu 20 e lunis 21 de cabudanni de su 2020 is Cumìtzius Eletoralis po fai su REFERENDUM COSTITUTZIONALI;

BIU su decretu-lei 14.08.2020, n. 103, in matèria de “*maneras operativas precauzionalis e de seguresa po arragolli su votu me in is consultatzionis eletoralis e referendàrias de s'annu 2020*”;

FAIT SCIRI

ca, cunforma a s'art. 3 de su D.L. 103/2020 arremonau asuba, sceti po is consultatzionis eletoralis e referendàrias de su 2020, is eletoris chi ant postu a **tratamentu domiciliari** e cussus chi s'agatant in cundizioni de **carantena o de isulamentu fiduciàriu po Covid-19** s'ammitint a votai in su domiciliu insoru in su comunu de arresidèntzia.

Po custu, po su chi pertocat su Referendum costitutzionali de su 20 e 21 de cabudanni de su 2020, **intra de su 10 e su 15 de cabudanni** (est a nai intra de sa de 10 e sa de 5 diis prima de cussu po votai) s'eletori **depit fai arribai a su Sindigu de su comunu anca est iscritu me in is listas** totu is documentus chi sighint:

- Sa deccaratzioni, stèrria in su modellu aposta chi ant aprontau is ufitzius, innui atestai sa voluntadi de s'eletori de votai de su domiciliu suu inditendi a craru s'indiritzu intreu de su domiciliu etotu;
- Unu certificau, chi lassat unu funtzionàriu mèdicu chi is òrganus de cumpetèntzia de s'azienda sanidària locali ant incarrigau, in data non prima de su 6 de cabudanni (14 diis prima de sa data po votai), chi atestat ca ddui funt is cunditionis chi funt in s'art. 3, comma 1, de su decretu lei n. 103/2020 (tratamentu domiciliari o cundizioni de carantena o isulamentu fiduciàriu po Covid-19);
- Còpia de sa tèssera eletorali;
- Còpia de unu documentu de identidadi.

Sa rechesta s'at a podi intregai a manu (ponendi-dda in sa cascita postali in s'intrada principali de su Municipiu), o sinuncas a posta eletrònica a s'indiritzu

demografici@comune.siamaggiore.or.it

o sinuncas cun PEC a s'indiritzu

demografici@pec.comune.siamaggiore.or.it.

S'eletori ammitiu a votai de domu s'at a assinnai a sa setzioni ospedaliera, istituida me in is struturas sanidàrias cun repartus Covid-19 prus acanta a su domiciliu de cussu etou.

Su votu de is eletoris chi ant ammitiu a votai de domu s'at a arregolli a s'ora de sa votatzioni me in is sègius ordinàrius, de is 7 de mangianu a is 11 de noti de domigu e de is 7 de mangianu a is 3 de meigama de su lunis.

Po ndi sciri de prus, cuntatai a [s'ufitziu eletorali](mailto:ufitziu_eletorali@comune.siamaggiore.or.it) a su **0783/3441201**

Sa Cummissària Straordinària
F.au D.ssa Maria Bonaria Scala